

輿地志十一

湖北通志卷十一

山川六川

安陸縣

澗水自應山縣東南流入安陸縣界清一統志澗水又南逕石巖山北

春秋吳敗楚於柏舉從之及清發蓋澗水也水經注澗水自應山縣

境至平林市入安陸縣界逕壽山東會白竹港水折而東南流至

石牛潭會縣西四十里之青龍潭水又逕埠石潭又南會泚水折

而東流會七里港水又折繞城西北合城東諸溪之水注滾鐘潭

榮回城西案德安府志澗水繞城西者俗稱府河逕櫻桃渡會蒿橋港水匯為駱駝

潭又逕石灘會石河水府志自駱駝灘東逕虎子巖達雲夢界為史河口史河即石河入雲夢縣

境舊府志

章水府志作澗水自隨州東南入安陸縣南境府志漳河在縣西南五十里又東南

入應城縣界入澗水今名楊家河清一統志案清一統志云章水本合富水始入澗自明宏治

中澗水直決而南遂與章水合流自此章水不復入富水富水亦不復入澗水而逕達於漢矣

泚水在縣西十五里源出澁山西流會壽山之於菟港水而入澗

水清一統志

灌水在縣西方輿紀要云西南九十里源出白兆山下有萬珠泉白雲泉東流

為灌水逕縣西五里蒿橋亦名蒿橋港又東南入澗水清一統志一名

上石河府志

下石河在縣西南十二里源亦出白兆山出河壩橋入澗水府志

方七河在縣北十五里源出槎山東麓由毛家河出澗金橋逕土

潭注於澗府志

雲夢澤在縣南五十里東南接雲夢縣界清一統志雲土夢作又禹荆

州澤藪曰雲夢周禮十藪楚有雲夢爾雅鬪伯比生子文邳夫人使棄



諸夢中又楚子避吳入於雲中均見左傳祝穆曰左氏言夢則不言雲

言雲則不言夢然則雲夢實二澤也漢陽志云雲在江之北夢在

江之南今巴陵枝江荆門安陸之境皆云有雲夢蓋雲夢本跨江

南北為澤甚廣而後世悉為邑居聚落故以雲夢名者非一處而

安陸之雲夢案寰宇記雲夢澤在安陸縣東南開數十里南接荆湘尤最著云方輿紀要

陸縣南三十里至高岡鋪即入雲夢縣界此稱在安陸縣南五十

里蓋雲夢本安陸縣地猶據昔時區域言之也又清一統志云左

傳楚昭王涉睢濟江入於雲中杜注謂睢至枝江入江漢志南郡

華容有雲夢澤禹貢蔡傳以為雲夢方入九百里華容枝江江夏

安陸皆其地今考古之華容杜佑以為今監利胡三省以為今石

首曹操赤壁之敗行雲夢澤中失道當在監利石首間而合尹子

文初生棄於夢中石晉安審暉破南唐兵於雲夢則當在安陸要

之安陸以南華容以北枝江以東皆古之雲夢澤也又水道提綱

云雲夢跨江南北入九百里今自枝江而東為松滋東南為公安

為石首為華容濱江以南南岸多蘆澤即古所謂江南之夢也江北尤

巨自江陵以東潛江以南監利以北沔陽前後左右諸湖皆首受

漢水支津於大澤口之西張集港之南東南流至漢陽西南境之

新灘口及沌口二處分流入江總曰沔水東西地四百餘里南北

二百餘里又漢水東北岸自天門漢川應城雲夢孝感感黃陂東南

諸水所瀦亦即古澤也志十一 輿地十一 山川 二

金湖在縣西城濠外府志女港在縣東源出縣東北六十里之土橋南流逕普安橋金龍橋

又南流逕新安橋入澗清一統志案嘉慶志府志俱無女港而

貨郎港在縣東南二十里一名紫石橋水源出縣東北雞籠山南

流入澗清一統志白竹港在縣西源出壽山東南流至縣西三十里南入於澗嘉慶志

雲夢縣 澗水自安陸縣東南入雲夢縣北界又南入應城縣界又東南仍

入雲夢縣南界清一統志澗水又逕新城南水經注澗水自安陸縣境西

南流為史河口入雲夢縣境逕利塘鎮至新廟俗謂之新廟河又

南逕白河口分流為縣河其正流東南為黃港口又東南至縣南

三十里匯為隔蒲潭又東南入漢川縣界其支流自史河下合楊家河為兩河口南流名官渡河亦東南合正流自明宏治以後支流盛而正流淤嘉靖五年知縣潘淵築塞新河疏通正道未幾為士人盜決嗣後旋濬旋塞國朝順治中復加築濬縣志

鄭家河在縣東自縣北發源東流逕縣東北無量橋又東南逕楚王城北匯流成湖稍東相接者為曲水湖其水合流而南逕謝家

橋入縣河清一統志案德安府志亦稱曲水湖嘉慶志載鄭家河匯流成湖稍東相接者為仙女湖

洛陽河在縣東五里相傳古為巨鎮舟車鱗集歌舞不歇李太白遊此曰何異洛陽因名圖書集成引舊志

小龍河在縣東南由隔蒲潭分流入潯河嘉慶志

縣河在縣南潁水自白河口南數百步分流而東環繞縣城為縣河至縣南稍東匯為碧潭又東至縣東南五里名洛陽河又東逕

志十一

輿地十一 山川

三

青石橋入孝感縣界通潯河清一統志

雲夢澤在縣西北清一統志今德安雲夢縣南皆大澤雲夢澤自此始

故以名縣云或曰雲夢終於邑北之葛藤山故是邑特專其名楚寶

案府志葛藤山今稱張陂岡雲夢澤詳見安陸志

曲水湖在縣東十里府志

紫雲湖在縣東二十五里清一統志

石羊湖在縣東三十里清一統志

百丈湖在縣東四十里清一統志

王漢湖在縣東四十五里其南為龍陽湖又南為龍湖去縣治六

十里互相委輸南達潁水清一統志

孟家湖在縣東南十里方輿紀要

龍鬢湖在縣東南五十里府志作里清一統志

羅陂湖在縣東南

清一統志

案府志謂此湖已淤

楊林湖在縣南五十里

方輿紀要

貨郎港在縣西北發源於安陸縣之傅家河歷吳陳港入白馬潭

好石橋合義堂鎮大河或云即令狐揆冒雪所渡之寒溪

府志

案府志縣東南境有戴陂湖新湖賽湖白水湖鄭衝湖安家湖

徐家湖沙底湖明家湖官湖灣湖東陽湖西陽湖黑鯉湖均未

列里數又載龍牀港螺螄港女兒港竹簫港城隍港車埠港蒿

子港蕨根港老虎港流星港富水港劉婆港雙隄港烏泥港鴨

子港馮家港白龍港東桑港練港深港亦均未列方位里數附

錄於此

碧潭在縣東南水色清澈每當夜月朗映秋景澄鮮人多遊詠於

此

府志

志十一

輿地十一 山川

四

隔蒲潭在縣南三十里潭西即屬應城縣境古蒲騷地故曰隔蒲

云

府志

應城縣

澗水自雲夢縣北界南入應城縣界又東南仍入雲夢縣南界

清一

統澗水又東南流右會富水又會溫水又得潼水

水經注

澗水至史

河口分爲二一由巡店逕胡金店入應城縣界兩河口會章水南

流爲官渡河二流復合於黃港口逕隔蒲潭由子潭下逕長江埠

由道人橋至府河口與富水及三台湖會逕劉家壩入漢川縣境

德安

府志

潼水在縣南

清一統志

潼水出江夏郡之曲陵縣西北潼山東南流逕

其縣南東入安陸注於澗水

水經注

應陽有潼水

隋書地理志

富水在縣西自京山縣流入又東南流入漢川縣界今名西河

清一

統志 方輿紀要西河在縣西北富水東南流入安陸界左合土
三十里一日環河源亦出大洪山

山水又東入於潁水經注西河自三汊河七里阪東南流入縣界逕

車埠頭又東南逕走馬灘浮城阪又逕燕子巖觀音灘同車灘三

里灘又逕城北折而西南流有淨港水匯焉是名西河又南逕鐵

牛壩會漁子港水及省港之水又南逕櫟林市之黃家灘會龍港

之水又南歷張長港赤岸挂口至縣南四十五里名梅家港又東

南至八埠口逶迤湖澤之間達漢川縣入漢縣志案清一統志云水經注富水合章

水東入於潁今惟楊家河入潁而富水則南流逕達於漢與章水不復相通詳見安陸章水

龍石河在縣西南二十里源出京山縣馬耳山東南由廖家寨注

龍骨湖府志自馬耳山東南流入縣界逕縣西北四十里鐵佛寺歷

縣西三十里宋家冲名趙家河又南逕縣西二十里凌水橋又東

南五里為龍石河下注龍骨湖清一統志

志十一

輿地十一 山川

五

石子河在縣西南二十五里案清一統志作三十五里一名李家河源出京山

縣馬耳山南經廖家寨注龍骨湖府志自馬耳山東南流入縣界逕

縣西四十里高家橋合義河逕黑虎廟又南流為易家河又南流

為石子河下入龍骨湖清一統志

陳家河在縣西南三十里嘉慶志

五龍河在縣西南四十里府志一名三龍河源出京山縣林泉山東

南入縣界為二龍港四龍港又南逕縣西南五十五里響水潭又

南流五里為五龍河會湯池港之水由白洋港入三台湖通漢川

縣之金帶河清一統志

義河在縣西四十里源出隨州大洪山由京山縣曲折入縣境下

入張家河府志楊家河又名義河東入潁水曰兩河口縣志

天井湖在縣東三十里今淤為田府志

龍泗湖在縣東長江埠北大小有二亦名龍澥府志

石羊湖在縣東南三十里下流達於澗水府志

清水湖在縣東南三十五里府志西接三台湖清一統志

梁湖在縣東南四十里一名梁澥與三台湖通府志

黃桑湖在縣東南四十里經藏寺後府志

白陂澥在縣東南四十里東流入澗水明萬曆閒築隄判為二始

有內湖外湖之分府志

菱湖在縣南二里今淤府志

三台湖在縣南三十里一名三台河清一統志湖周百數十里方輿紀

要謂中有土台三故名上承京山天門等縣及縣境五龍石子諸

水匯為巨湖下流至北觜合西河水經邵家觜東入澗水府志

詩沱潛既云導雲夢成大陸湖為水所都無乃蛟龍窟港汊入漢

志十一

輿地十一 山川

六

宿泛舟欲何之
長嘯弄寒綠

五當湖在縣南與三台湖毗連府志

龍骨湖在縣西南府志作四十里上接三台湖南接漢川縣界清一

統會龍石諸水東北入於澗水府志

東港在縣東三十里府志源出縣東十里白家港東流逕雙橋又東

南十里注於清水湖清一統志

張長港在縣南十五里東流注於西河府志

皇祠港在縣南三十里東流注於西河府志

梅家港在縣南五十里府志

湯池港在縣西四十里府志古名溫水一名溫泉一名玉女泉清一統志

溫水出竟陵之新陽縣東澤中口徑二丈五尺垠岸重沙端淨可

愛靜以察之則淵泉如鏡聞人聲則揚湯奮發無所復見其熱可

以燻雞洪瀏百餘步冷若寒泉東南流注於澗水水經注應陽有温

泉俗稱湯池周二十餘丈狀如釜水有硫氣翻沸不息是為上池寰宇記温

可資灌溉池南數丈復有沸泉出土中熱稍減為下池二池皆能

愈疾居人因於下池之南登石為二坎引水浴焉其南出之水流

為湯池港至響水潭入五龍潭河舊縣志

省港在縣北源出京山縣自縣北三十里入境東南流逕高橋又

南流至縣東北五里為蕭家港又西南逕縣北三里古城港又南

逕縣南三里太平橋又西流為漁子港至縣西南二里窰灣會菱

湖水入西河清一統志

隔蒲潭在縣東三十五里嘉慶志互詳雲夢

響水潭在縣西十五里南流五里為五龍河湯池港注焉府志

志十一

輿地十一 山川

三里潭在縣北三里繞城曲折而南淨港水注之府志

白龍井在縣東北二十里伍家山麓旱可禱雨清一統志

隨州今改縣澗水出隨州西南大洪山清一統志澗水出蔡陽縣東南大洪山陰東

北流合石水又東均水注之又屈而東南流澁水南流注於澗又

會支水又逕隨縣南隨城山北而東南注有澂水及隨水入澗水經

注澗水故清發水也自隨州流入安陸縣元和志澗水源出大洪山

黑龍池北流暖水注之又北石魚河水注之逕觀音潭聖水河水

注之東流至梅邱鎮温泉水注之折而東南逕安貴鎮澁水注之

又東南流武河樊老湖之水注之南流逕兩河口灑水注之繞州

治東南流逕望城岡溧水合諸馬港水注之逕廟潭渡及藥山均

水注之逕光化鎮浪水注之歷雲潭龜潭而逕應山會澂水逕蒼

蒼

頭渡至平林市入安陸縣界舊德安府志

章水源出州境東南入安陸縣南界州志土山水世謂之章水出土

山南逕隨郡平林縣故城西水經注 互詳安陸應城

浪水在州南四十五里源出大狐山東流逕三爪山至獅子潭入

澗水清一統志

支水在州西州志支水源出大洪山東流注於澗水水經注 案清一統志云今以此水為均水考水經注均水入澗在澗水之上此水入澗在澗水之下均水已湮沒不可考而遂誤以支水為均水也

暖水在州西出大洪山下流入澗水清一統志在大洪山西北輿地紀勝

澗水在州西一百五十里源出戴紫山西北逕十餘里東逕王家沖入小澗水府志

澗水在州西北今名扶恭河清一統志河南曰豫州其浸波澗周禮楚武

王伐隨令尹鬬祁莫敖屈重除道梁澗左傳莊公四年澗水出隨縣西北

志十一

輿地十一 山川

黃山南逕澗西縣西又東南澗水入焉又東南逕隨縣故城西又

南與義井水合又南流注於澗水經注澗水在隨縣西四十里元和志

西魏改澗西曰下澗取此明一統志澗水源出栲栳山東南流合魯城

河又逕唐縣鎮引驢驪陂之水又東流過安貴鎮西又東南入澗

水舊府志

澗水在州西北一名魯城河清一統志澗水出桐柏山之陽東南逕澗

西縣西又東南注於澗水經注唐城有澗水隋書地理志澗水源出太平

山南流合扶恭河逕州西為浮纓河南入澗水清一統志

九渡水源出州北一百九十里九龍山州志九渡水出雞翅山溪澗

縈委沿溯九渡水經注水自州境出山店北逕龍潭河合白水巖水

又北至淮河店入淮府志

澗水在州東北清一統志澗水北出大義山南至厲鄉西賜水入焉又

南逕隨縣

水經注

又南逕木瓜園入澗

府志

溧水在州東北一名錫水一名賜水一名厲水

清一統志

賜水源東出

大紫山分爲二水一水西逕厲鄉南西南流入於溧卽厲水也一

水逕義鄉西南入隨又注溧

水經注

平林有溧水

隋書地理志

錫水源出

隨縣大浩山

寰宇記

溧水源出隨縣東北五十里螺螄山南逕厲山

店又南逕龍鬪山亦名五陂河過浙河渡至望城岡南入澗水

府志

件水在州東北流入河南信陽州界

清一統志

石魚河在州西南卽石水也

府志

方輿紀要作南五十里

石水出大洪山東北

流注於澗謂之小澗水

水經注

浮纓河在州西一里元劉太保秉忠領兵過此落冠纓於水故名

府志

志十一

輿地十一 山川

九

聖水河在州西北源出觀音山東南流至州西八十里入於澗水

清一統志

龍潭河在州北一百七十里田下山頂之龍潭飛瀑直瀉如從天

下因名爲天河口南下西折二十餘里至劉家河又西南入澗

府志

守溪在州東三十里源出兩仙山至顏家鋪匯爲守溪又西南流

入澗

府志

合溪在州北三十里源出紫城山南逕州城小北門外又南逕出

魚口入澗

府志

游溪在州東北一百七十里源出田上山東北逕三道河爲游溪

又東北入淮

府志

龍潭在州東六十里

清一統志

雲潭在州東南五十里

清一統志

黑龍潭黃龍潭俱在州西北一百五十里七峯山頂歲旱取水於潭卽雨府志

溫泉在州西梅邱一名湯泉在大洪山下流入潁水清一統志池廣半畝性常溫其流伏行北入於潁府志

冷泉在州大洪山西北麓湯池寺右圖書集成引舊志

聖泉在州西北觀音山頂旱禱卽雨清一統志

義井在州南清一統志義井水出隨城東南井泉常湧溢而津注冬夏

不異相傳謂之義井下流合澇水水經注舜子井在州治東南一里

亦名義井舊州志

應山縣

汝水在縣北九十里流入河南信陽州界清一統志

竹港水出壽山下經縣西南七十里倉頭渡合潁水入安陸縣界

志十一

輿地十一 山川

十

方輿紀要案安陸縣有白竹港卽此水下流

黃沙河在縣東南流入孝感縣界一名潏水清一統志潏水源出應山

縣雞頭山初流一百步遶山環流因名南流逕吉陽城東下通雲

夢漢川縣界寰宇記黃沙水東南流廣港月港水注之至七里岡會

東河舊縣志

東河在縣東源出縣西北二里曰汝水東南流環城東爲濠逕應

臺山緒爲池東流注於方家河亦曰東河折而東南流天井澗簸

箕港卽不磯港水注之又折而東北白泉河中界河水注之又東南逕

太平鎮二吉水注之又逕七里岡入黃沙河清一統志

白泉河在縣東一名白沙河東南流合於東河清一統志

太平河在縣東太平鎮源出大龜山又有中界河在縣東三十五

里南流入東河清一統志

長勝河在縣東南三十五里流與廣水河合縣志案府志黃

十三里河在縣南十三里源自西北李家河經余家寨會秦家河

德安府志

土橋河在縣南三十里源出南雨屏山入不磯港府志

高橋河在縣南三十四里源出觀音坡南高廟逕陳家巷河東北

會土橋章家橋水入不磯港府志

陳家河在縣西四十里源出花山東南南流為雙河寺河又至龍

泉鎮下與泥河水合流為官橋河府志

漢東河在縣西四十里會界河黃沙水為膠水至蜂子山入淇水

府志

漿陂河在縣西五十里源出花山西南經張家橋流為白鶴子河

又經聶家店流為本河會官橋河各水出徐家河匯馬坪港過平

志十一

輿地十一 山川

十一

林市入安陸縣界府志

大洪河在縣北三十里下流合方家河府志

小河在縣北六十里源出高貴山西北為界河流入河南信陽州

界府志

簸箕港在縣東南三十里一名高橋港源出縣西南山中折而東

北入東河清一統志案府志謂不磯港俗名簸箕港

馬坪港在縣西六十里源出縣西北界逕蜂子山又南合界河其

水源出蜂子山北馬鞍山南流合馬坪港清一統志

天井澗在縣東二十里深一丈廣八尺兩山夾峙泉流其中冬夏

不涸流合汶水澗北舊有平康寨宋人避兵於此方輿紀要

鍾祥縣

漢水自宜城縣南流入鍾祥縣界清一統志沔水又東敖水注之又南

逕石城西又東南與白水合又東過荆城東又東南逕章山東又

東右會權口水經注漢水自宜城縣泰山廟入鍾祥縣境南流一百

二十里過府城又南流六十里至石牌鎮又南入荆門州境舊安陸府

志案縣志漢水本逼近鍾祥城西明嘉靖中西徙沿山灣漸移

而西今距城且入九里又清嘉慶以前漢水故道去石牌鎮二三

里道光中岸屢崩逼近鎮旁咸豐三年水忽東徙今距鎮且及十餘里矣

白水在縣東南接京山縣界今名白成河源出聊屈山西流合寨

子河注於漢水其入漢處謂之白口清一統志楚王之奔隨也將涉於

成白左傳白水出竟陵縣聊屈山西流注於沔水經注案圖册自

逕塞別自隄內支河達於澁水以注於漢

權水自荆門州東南流至鍾祥縣西南境入漢清一統志權水出章山

案即內方山東南流逕權城北又東入沔水經注案府志稱權水出

山與水經注出章山不合

敖水在縣北今名直河清一統志敖水出新市縣東北西南逕大陽山

西南流逕新市縣北又西南右合枝水又西南流注於沔是曰敖

口水經注敖水源出縣東北黃仙洞山西流逕縣北十五里直注於

漢故名直河又名池河縣志又有瓦埠河流入方輿紀要

枝水在縣北清一統志枝水出大洪山西南流逕襄陽郡縣界西南逕

狄當作城東南左注敖水水經注

案隋書地理志藍水縣有唐水今無考附著於此

朱家埠河在縣西源出靈鷲山白龍潭東流至朱家埠入漢不通

舟楫清一統志

豐樂河在縣北源出京山縣大洪山南至鍾祥縣豐樂驛入漢清一統志

沔水又東豐樂水注之名勝志在府北九十里灌田甚廣歲賴

以豐因名明一統志

龍鷺湖在縣南三十里水溢通漢江又名龍母湖明一統志

蘆泐長湖在縣南一百二十里相近有赤馬野豬河清一統志

城北湖在府北五里流通漢江又有藤湖在府東南漢北諸水所

溢也蒙古伯顏襲郢不克獲俘言不若取黃家灣堡東有河口拖

船入藤湖轉而下江僅三里又有泉子湖在府東伯顏由藤湖入

漢江趣郢城郢州將趙文義戰於泉子湖方輿紀要

龍鳳港在縣南四十里清一統志相傳楚王乘綵舫載妃嬪遊於此地輿

紀勝

冷水港在縣西三十里相近又有唐港清一統志

龍窩港在縣西三十里三尖山之下清一統志

磨盤溪在縣北五十里一曰毛姑溪縣志

猪龍池泉在縣東三十里相近有龍池泉皆溉田百餘頃又雙泉

志十一

輿地十一 山川

三

在縣東九十里清一統志

潮泉在縣北清一統志縣北深谷中有泉隱於石間每潮至則水溢有

聲如雷俄頃乃退輿地紀勝

利河口在縣西北八十里上泉象河及漢西諸港水咸注之由小

河入於漢縣志

曲水池在縣城東門外清一統志梁太清中邵陵王綸為富水郡太守

雅好賓客慕蘭亭流觴故效焉輿地紀勝案西魏始置富水郡

郡似

龜鶴池在縣西清一統志在長壽縣西十步南昌尉梅福養龜鶴於此

寰宇記

宋玉井在縣東一名楚賢井俗名琉璃井清一統志在舊州學前楠木

山之下輿地紀勝楚賢井亦名宋玉井郡守張孝曾建亭名曰楚賢明一

志統

煉丹井在縣東南清一統志相傳梅福煉丹於此明一統志

京山縣

漢水自鍾祥縣界南流入京山縣界清一統志漢水至沙洋鎮北折南

流經京山縣西南境之多寶灣西又東南流入潛江縣界水道提綱漢

水自白口東南逕王家營入京山縣界東南流逕茅草嶺小河口

新城多寶灣丁家河各處凡九十餘里縣志案縣境均在漢水

以下潛江縣境以上則荊門州境也

溫水在縣東南一名溫湯水一名溫湯泉南入洩水清一統志溫湯水

在京山縣南十五里壅以溉田其收數倍元和志其湯有十八眼寰宇

記案清一統志於京山溫水條下引水經注溫水出竟陵之新陽縣東流注於沮水殊誤由誤會出新陽縣遂謬以京山之溫湯水當之不知水經注原文沮水逕新城南又會溫水又右得澶水準之地望其為應城湯池港之溫水無疑故京山縣志謂溫湯水

志十一

輿地十一 山川

古

入洩不入沮殆亦知其誤矣矧寰宇記謂應城溫泉人靜則清人鬧則沸與水經注靜察則淵泉如鏡聞聲則揚湯奮發之說適合尤足為證耶

洩水源出縣西北流逕縣南又東南逕天門縣東北清一統志洩水出

竟陵郡新陽縣西南池河山東流逕新陽縣南水經注洩水俗名回

河源出花石巖谷中東南流為闡流河又東南為姚家河至京山

縣城南為縣河又東南會縣境諸水至天門縣舊安陸府志案

今花石巖又謂洩水自天門阜市溯京山縣治皆可行舟遇水溢牽挽而上檣櫓雜集稍涸即橫臥磯頭坐望山雨矣

澁水在縣西南南流入天門縣名汭水清一統志汭水源出長壽縣磨

石山東南流名澁水至竟陵縣界名汭水寰宇記澁水出京山縣西

七十里之磨石山下流合縣前河通於漢江方輿紀要澁水發源京山

縣潼泉山仙女洞名司馬河會南河入天門縣界舊府志案澁水下流即汭水

互詳天門

泗水在縣西南南流入潛江縣界一名四河又名四汊河又名四

港河清一統志泗水在縣西四十里東入復州竟陵縣界寰宇記在縣西

南一百二十里縣南諸水匯此南注於漢名曰武當口舊縣志

三女橋水在縣西北源出馬跑泉東南流為司戶潭又東南與張

良山泉匯為湖逕縣西入洩水清一統志

五星橋水在縣西北源出沈家泉流逕惠亭山入洩水清一統志

葉公橋水在縣西北源出花苑臺泉溉田千頃南流入於洩水清一統志

富水在縣東北今名富河源出大洪山東南流入應城縣界清一統志

富水出竟陵郡新市縣東北大陽山水有二源大富水出山之陽

南流而左合小富水小富水出山之東而南逕三王城東屈而西

南流右合大富水俗謂之大泌水又西南流逕杜城西又東南流

入安陸界水經注富水南去富水縣一百步元和志二富水並發大洪

山白龍池繞金剛坡分東西流至雙河口合流土人謂之撞河又

東南流至應城縣西為西河縣志

石激河在縣東源出雷家沖丁家沖禪房山諸泉匯為河入於洩

水清一統志

五龍河在縣東六十里清一統志其源有三一出大月山王家泉東南

匯為寺畝河又東為華家河一出靈濟山泉東南匯為清水壩一

為梅花嶺諸水及磐石寺諸泉匯為石滾壩又東南為四龍河與

華家河清水壩二水合為五龍河入應城縣界縣志

小河在縣西南漢水支流經紫荊潭又東為南河合澁水入天門

縣界清一統志

七里橋河在縣西源出縣西北十五里丁家沖泉東南流入洩水

清一
統志

寨子河在縣西北八十里水出橫嶺有泉五泓溉田甚廣南流匯為河至聊屈山西北與官橋水合流入曰水圖書集成引舊志

平壩河在縣東北一百二十里源出大洪山東南流為楊家河入

應城縣界清一統志

土牆湖在縣西寶香山畔水濱有故城址清一統志

案縣志小河北有楊林湖布袋湖並去縣八十里有西陂湖鷺

絲湖赤馬湖野豬湖並距縣一百里附錄於此

二龍潭在縣東南相傳宋時有二龍躍此清一統志

滾鐘潭在縣東南清一統志昔有寺鐘忽自樓出滾入於河所歷處草

木皆偃生輿地紀勝

多寶潭在縣南里餘相近有多寶寺清一統志建炎中寺為火燔有鐘

志十一

輿地十一 山川

六

自巨礮中躍入於潭輿地紀勝

司戶潭在縣西北十五里上承馬跑泉匯為潭界兩山中清一統志昔

有曹司戶於此禱雨弗應委身潭中故名輿地紀勝

珍珠泉在縣西南大蹟山東沸出如珠流入湓水清一統志

五泉在縣西源出橫嶺溉田甚溥即寨子河源也清一統志在縣西五

十里山谷沙石中泉凡五穴五色迭出湧如沸鼎輿地紀勝

馬跑泉在縣西北二十里清一統志漢關忠義駐兵於此山無水土卒

渴甚夜有虎咆哮馬驚跑地因而得泉明一統志案輿地紀勝作虎跑泉而文稍異

新羅泉在縣北六十里芭蕉山清一統志相傳有新羅僧居此一日思

鄉中水神指其地泉即湧出輿地紀勝

師故泉在縣北泉在山頂清一統志

八角井在縣西南八十里井口八角徑三尺內廣丈餘清一統志

潛江縣

漢水自荊門州東南流入潛江縣界清一統志泗水又東南與楊口合

水經注漢水自荊門州境沙洋鎮折南流入潛江縣界右岸逕楊湖

鋪又逕縣治北距城十餘里吳家口俗名吳家改口分漢水東南流入縣

境謂之潛水又北東二里折東南三里逕大澤口舊由此分漢水入潛今淤七

里逕高家港又三里有港舊通縣城今淤疑即小澤口又三十里漁泛洪

又東入天門縣界其左岸自京山縣境多寶灣以下入潛江縣界

逕趙林灘灌頭鋪張集港至官吉口又八里黑流渡入天門縣界

冊圖

潛水在縣東東南流逕沔陽州西北合夏水今名蘆泐河清一統志蘆

泐河自漢江分流為排沙渡又南逕潛江縣城東為縣河又南為

總口又南為許家口又東至沔陽州柏口至柳口會漕河又東播

志十一

輿地十一 山川

七

為蘆蒿河又東合夏水是為正流一支自縣河分流為洛江河東

入沔陽州界又一支自總口分流為馬丹河西通直路河宋置潛

江縣以此得名舊安陸府志案此即禹貢荊州沱潛既道之潛水今水由漢出與爾雅正合

沱水在縣南清一統志自江陵縣郝穴口分江水東北徑三湖至縣南

二里為馬市潭潭北五里有沱埠淵合蘆泐河舊府志案郝穴早無分江水東北

流之口三湖又距江甚遠府志所述殆明以前舊迹耳詳見江陵

恩江河在縣東明嘉靖元年知縣敖鉞自許家口開河十里下通

蘆泐河清一統志案縣志謂此河今淤

夜泐河在縣西南清一統志分漢水西南流謂之大澤口亦名策口河

又西南過雙雁山又西南為直路河入江陵縣界亦通監利縣一

支自雙雁山西出芟芭河歷周家磯又西流至要口分南北泐南

泐入江陵縣境北泐入荊門州境又一支自周家磯南流為泐口

河下流入江陵監利二縣境縣志案大澤口已淤今漢水分流自吳家改口入縣境向西南流通江陵者俗呼西荆河向東南流通沔陽者俗呼東荆河

梁里河在縣西明隆慶間知縣梁棟濬自梁家灣達於策口河清一統志

後子湖在縣東三十里清一統志

唐林湖在縣南三里又果老湖在縣南五里陸家垸湖在縣西南

五里枝江湖在縣西南十五里青陽湖在縣西北五里太平湖在

縣北六十里清一統志

平澹湖在縣西南四十里嘉慶志

白湖在縣西南有東白西白北白三湖清一統志

泗港在縣西北四十里嘉慶志

張截港在縣東北三十五里嘉慶志

志十一

輿地十一 山川

六

龍淵在縣南三里嘉慶志

沱埠淵在縣西五里嘉慶志案縣志此淵今淤

北池南池二池相連在縣東南二十里嘉慶志

天門縣

漢水自潛江縣界東流入天門縣界清一統志沔水又東合區亮水口

又東得合驛口又東謂之橫桑又東謂之鄭公潭又東得死沔又

東與力口合水經注漢水自潛江縣境東南流一百四十里入天門

縣境又東流一百里入沔陽州境舊安陸府志漢水自黑流渡南竹根

灘北東流分南北二派北派東北流經天門縣南境東至乾鎮司

南又東數十里有松湖支津自東北合京山應城諸水來會又東

過沈湖至脈旺觜與南派合南派東經牛蹄口南又東南經彭市

河南又東經沔陽北境水道提綱漢水至牛蹄口舊由此分北派出脈

旺營今淤又東南十二里逕岳家口南舊有縣丞駐焉又東八十餘里入沔陽州界圖册

區亮水在縣東清一統志區亮水北承巨亮湖南達於沔水經注

巾水在縣西一名義河清一統志源出京山縣之七寶山南流名巾水

河又南名石家河又南合揚水河入三汊河舊縣志巾水出竟陵縣

東百九十里西逕巾城城下置巾水戍又西逕竟陵縣北西注揚

水謂之巾口水經注案今之巾水非水經注之巾水也古巾水在漢水西

揚水在縣西發源京山縣虎爪山名揚水河南流名馬溪河又南

流入巾水河清一統志揚水北逕竟陵縣西納巾吐柘柘水即下揚水

也水經注案清一統志云揚水合巾水與水經注納巾吐柘之

道不合

隗水自京山縣至天門縣東北逕阜市南謂之阜市河南入蒿臺

志十一

輿地十一 山川

充

湖安陸府志在縣東北七十五里方輿紀勝隗水又東南流注宵城縣南大

湖又南入於沔水是曰力口水經注互詳京山

三澁水自京山縣流入縣界東注於蒿臺湖方輿紀要又東為滄浪之

水過三澁禹貢三澁孔安國鄭康成以為水名今竟陵有三參水俗

云是三澁水史記亦名三汊方輿紀要竟陵縣城南臨汊水元和志自京

山縣入境又東南流名魚薪河亦曰西江水合揚水河中水河東

流為三汊河繞縣城南謂之義河又東流為漢川縣之竹筒河安陸府志

詳京山互

乾灘河在縣東六十里一名田二河諸水匯流至此復分為二一

白張家池口入漢一白竹筒河入漢川縣界清一統志

便河在縣南清一統志元知府白景亮開掘土得石有白公溝三字民

咸異之名白公河名勝志

義河在縣南亦潛也由三汊河逕楊林口又東逕便河又東逕板
港又東趨風門入於漢一支逕風波湖又東逕沿湖至回河東北
合阜市水入漢世傳宋太祖微時渡此遺舟人錢不受後特蠲漁
課賜今名圖書集成
引舊志

石家河在縣西北三十里馬溪河在石家河西二水俱出京山舊

志案或以此即
禹貢三澁水未確

柳家河源出京山縣東南三十里湖山寺泉會綠水堰泉東南流

為雲潭河又東南入天門縣界為柳家河注風波湖逕楊林口入

汊河清一
統志

雲夢澤在縣西清一
統志竟陵城西大澤即古雲夢寰宇記
互詳
安陸雲夢二縣

東湖在縣城東門外廣袤三里中有洲清一
統志地脈迤邐為洲坻盤

旋於湖中凡數層方輿
紀要

志十一

輿地十一 山川

華巖湖在縣東嘉慶志
作東南五十里清一
統志

上漲湖在縣東七十里又東二十里為下漲湖清一
統志

南湖在縣城南門外中界民居壇廟析為兩湖在橋東者邑人延

鶴讀書其中名延家湖僅可通舟清一
統志

西湖在縣城西門外廣次於東湖有洲曰覆釜唐陸羽所居後葬

此即建塔焉有西塔寺內有陸子茶亭清一
統志

青山湖在縣西十里又西十里有熨斗湖清一
統志

北湖在縣城北門外清一
統志一名官池舊通西南二湖水常溢明知

縣邱宜築官道於中以隔之縣
志

風波湖在縣北十里南通義河北通柳家河清一
統志

蒿臺湖在縣東北七十里一名楊桑湖上承隗水下通三台湖清一
統志

志

三台湖在縣東北九十里接應城縣界清一統志

板港在縣東二十里又名板港河有大小二渡縣志

白雲三汊在縣東南八十里接沔陽州界下流入於漢水清一統志

葫蘆三灣在縣西南五十里嘉慶志

石堰渠在縣北嘉慶志竟陵有石堰渠咸通中刺史董元素所開唐書

地理志渠在景陵縣西北三里其流自五華山下通巾水輿地紀勝

澧馬潭在縣南三十里嘉慶志縣西三十五里鍾水之區也方輿紀要

橫桑口在縣東南清一統志東晉初荊州將吏鄭攀等作亂拒刺史王

虞歙心不一散還橫桑口方輿紀要沔水又東謂之橫桑水經注

陸子泉在縣城西北隅一名陸羽茶泉一名文學泉又名陸文學

井唐陸羽得此泉以試茶故名清一統志縣志云乾隆戊子夏大旱居民掘池得巨石出泉甚

甘並得斷碑有文學字知縣馬士偉發井構亭其側賦詩紀之宋王禹偁詩發石苔封百尺深如今賞味少知音涓涓泉底中宵

志十一 輿地十一 山川 三

月畱得先 生一片心

案縣東南九十里有沈湖接沔陽漢川界湖縱橫百餘里今淤

漲為平陸者幾十之九矣附著於此

襄陽縣

漢水自穀城縣界又東南入襄陽縣界清一統志漢水又東過山都縣

東北又東逕樂山北又東逕隆中又東逕襄陽縣北又逕平魯城

南又逕桃林亭東又逕峴山東又東南逕邑城北又東過中廬縣

水經注漢水自牛首塘南稍東北經襄陽府城北樊城南稍東有

白河唐河東北自河南新野合南陽諸縣及鄧州水南流又合西

來之清河東來棗陽之滾河來會又東至東津灣西折向正南流

經東南境百里有羅家河自西來注之又東南流數十里入宜城

縣東境水道提綱漢水自穀城之茨河入襄陽縣境又東逕白馬洞黃

家河竹篠鋪各處鶴子川自泥觜東南注之又東逕柿子鋪又東

逕萬山北又東逕府城北樊城南樊城之東清河七里河注之名

清河口咸豐元年唐白河至此會清河入漢自十一年改道龍坑

上冬月時多淤塞清河入漢又東逕龍坑唐白水從北來注之又

東南逕東津灣又西南至觀音閣山麓襄水由峴首南流注之又

南過石灰窰劉家集又東南流至鹿門灘純河自東注之即澗水

也又西南流又南流至小河口入宜城縣界縣志 梁簡文帝詩

首渠豈若茲川麗清流疾且徐離離細石澗柳持點縷上於是察

潘卷水芝扶浪舒連翩瀉去機鏡澈倒遙虛柳持點縷上於是察

川魚唐李百藥詩東流既瀾瀾南紀信滔滔水激沈碑岸波駭

弄珠皋含章映淺石浮蓋下奔濤瀾瀾南紀信滔滔水激沈碑岸波駭

轉輕翼戲鳥落風毛客心既多緒長歌日代勞王維詩楚塞三

湘接荆門九派通江流天地外山色有無中郡邑浮前浦波瀾動

遠空襄陽好風日留醉與山公孟浩然詩漾波逗何處神女漢

舉曲雪罷冰復開春潭千丈綠輕舟恣往來操觚無厭足波影搖

妓釵沙光逐人目傾盃魚鳥醉聯句鸞花續良會難再逢日入須

秉燭岑參詩急管更須吹金盃莫遣遲酒光紅琥珀江色碧琉璃

志十一

輿地十一 山川

三

璃日影淨歸棹蘆花罨釣絲山公醉不醉問取葛疆知錢起詩

江曲全縈楚雲飛半自秦峴山回首望如別故鄉人賈島詩習

家池沼草萋萋嵐樹光中信馬蹄漢主廟前湘水碧一聲風角夕

陽低沼李商隱詩溶溶漾漾白鷗飛綠淨春深好染衣南去北來

襄陽逢漢水偶似蜀江清蜀江固浩蕩中有蛟與鯨漢水亦云廣

欲涉安敢輕文王化南國遊女儼如卿洲中浣紗子環佩纓

鷺鳴古風隨時變寒水空冷冷過之不敢慢佇立整冠纓

唐白水又南入於漢一名泌河清一統志涓水東南逕士林戍東西過

鄧縣東右合濁水又南逕鄧塞東又逕鄧城東南入於沔謂之宛

口水經注泌河在鄧城縣東北一百一十里流逕縣界與白河合

又泌白水在縣東北九十七里是泌白相合河口寰宇記晉平吳後

杜元凱在荊州修召信臣遺跡激用濁涓諸水以浸原田萬餘頃

分疆刊石使有定分公私同利眾庶賴之文獻通考唐河由河南唐縣

逕喬家灣入縣境至兩河口會白河再會滾河入漢清一統志引

道提綱唐河有三源北源曰趙河出魯山縣南境東源曰泌河又
有二源南源出泌陽縣東北源出泌陽縣東北源出泌陽縣東北源曰盧家河
又有二源一出桐柏縣東北一出泌陽縣南合流曰唐河
入湖北界經襄陽縣東北境百數十里白河自北來會

白水一名滾河自棗陽縣界西南流入襄陽縣境西流入於唐白
清一統志 互詳棗陽 案清一統志云此白水為光武所興
河之地而濁水一名白河因此水合昆水即名滾河而濁水之名
白河反

著矣
金水在縣西南清一統志發源桃花嶺由檀溪入漢舊襄陽府志 案
今已涸而於入檀溪
之金水並未載及

濁水在縣北自河南新野縣流入縣界名曰白河一名宛水清一
統志

清水右合濁水俗謂之弱溝水上承白水於朝陽縣東南流逕鄧
縣故城南習鑿齒襄陽記曰楚王至鄧之濁水去襄陽二十里即
此水也濁水又東逕鄧塞北東流注於清水經鄧城縣有宛水自

新野縣流入寰宇
記白河水東北自穰縣流入光化軍界又入襄陽

界與泌河合入漢勝二百石船輿地
紀勝白河自新野縣魏家灣入縣
境至兩河口入唐河清一統志
引舊志

襄水即今襄渠檀溪水之東南出者也宜城涑水亦名襄水寰宇
記曰荆楚之地水駕山而上者皆呼為襄水其名無定又陸澄之

地記曰襄陽無襄水府志水出縣西柳子山下東為鴨湖溪水自湖
兩分一水東南出應劭曰城在襄水之陽故曰襄陽是水當即襄

水也水經注 案今檀溪已涸而襄水不
改城西南諸山之水皆歸渠入漢

淳河在縣東西流入漢舊志宋咸平中知襄州景耿望奏置營田務
淳河灌田三千頃熙寧四年前知襄州史炤言開脩古淳河一百
六里灌田六千七百頃清一統志源出棗陽縣櫻源山一名石
鼓山即櫻水

也襄陽
府志
潼口河在縣南六十里向設驛站於此今廢縣志 案此水即漢
書注所稱維水水經

所稱淮水今丁蘭橋以西為襄南分界以東為襄宜分界皆以是水分也又東南五里至小河口入漢

清泥河在縣西北東流入漢清一統志樂進在清泥與關某相拒蜀志先主

傳太建二年蕭歸於江陵大蓄舟艦於清泥中陳書章昭達傳咸淳八年

李庭芝將兵救襄陽襄陽西北一水曰清泥河源於均房即其地

造輕舟百艘乘流而下宋元通鑑

七里河在縣北十里東流入白河清一統志

清河在縣東北十里南流入唐白河清一統志

泥河在縣東北九十里南流入唐白河清一統志

洄湖在縣東南府志洄湖停水數十畝長數里廣減百步水色常綠

楊儀居上洄楊顛居下洄與蔡洲相對在峴山之南廣昌里水經注

襄陽湖在縣南縣志湖水上承鴨湖東南流逕峴山西又東南流注

白馬陂水又東入侍中襄陽侯習郁魚池水經注

志十一

輿地十一 山川

三

檀溪湖在縣西六里延四里表二里西山二百里外之水皆歸焉

雨則泥濘汎漲為行者患明萬曆中築長隄其中於是水不得為

患汙田變為膏腴清一統志唐胡曾詩三月襄陽綠草齊王孫堤

相引跳檀溪的盧何處埋龍骨流水依然繞大

鴨湖在縣西清一統志鴨湖在馬鞍山東北水經注

檀溪在縣西南清一統志劉備屯樊城劉表請備宴會蒯越蔡瑁欲因

會取備備潛遁出所乘馬名的盧走渡襄陽城西檀溪水中溺不

得出備曰的盧可努力乃一踊三丈遂得過世說水出縣西柳子山

下東為鴨湖白湖兩分北渠即溪所導也北逕漢陰臺西又北謂

之檀溪傍城北注西去城里餘北流注於沔水經注齊東昏即位高

祖潛造器械多伐竹木沈於檀溪密為舟裝之備梁書武帝紀檀溪在

襄陽縣西南今已乾個元和志

鶴子川源出南漳縣七里山陰東北流至雙河店入襄陽縣境東北至鶴子山峽又東北爲石牌港東逕隆中北流至泥陂東南入漢水縣志

田塍港在縣東南三十里東流入漢府志

隆盛港在縣東南四十里東流入漢府志

沙河港在縣南四十五里南流入漢縣志

土山港在縣南五十里東流入漢縣志

竹篠港在縣西北三十里西北流入漢府志

黃龍港在縣東北四十里東流入唐河清一統志

龍爬溝在縣西北輒橋鋪接穀城縣界清一統志

潺溝在縣北通鑑梁天監八年魏荊州刺史元志將兵七萬寇潺溝卽此清一統志

溝在漢水北其水南注於漢方輿紀要

志十一

輿地十一 山川

三

撓溝在縣北一名鬧溝清一統志賊五六百騎出樊城翼遣冠軍將軍

曹據追擊於撓溝北破之晉書庾翼傳齊永泰元年崔慧景蕭衍大敗

於鄧城軍主劉山陽斷後慧景過鬧溝通鑑

龍尾洲在縣東南三十里漢水中一名虎尾洲清一統志

蔡洲在縣南十里蔡村渡俗名老營嘉慶志泇水又東南逕蔡洲漢

長水校尉蔡瑁居之故名水經注宋曾鞏詩蔡洲昔人居遺堵

依劉表意氣傳至今廣路競朱轂深藏閱黃金構難琦琮開咎責積已深終貽覆宗累苟得非所欽爲惡理當爾足懲誇者心

會丹灘在縣東南清一統志咸淳七年范文虎將衛卒及兩淮舟師十

萬進至鹿門阿珠夾江爲陣別令一軍趨丹灘宋元通鑑

漁浦灘在縣南八里嘉慶志

罐子灘在縣鹿門山南漢江西岸宋咸淳三年蒙古圍襄樊范文

虎以舟師赴救敗於此府志案清一統志作在宜城縣北二十里

漆灘在縣西北府志泗水又東爲漆灘新野郡山都縣與順陽筑陽分界於斯灘水經注

萬山潭在縣西北萬山下嘉慶志杜預作二碑紀其勳績一立峴山之上一沈萬山之下晉書杜預傳

燈公泉在縣鹿門寺嘉慶志寺艱於水燈師坐巖石下以杖剔草根俄眾泉發山中人目曰燈公泉石門文龍廟覆其上泉七疊達

於雙池藕灣集

習家池在縣南清一統志習郁池在襄陽縣南十四里元和志池中釣臺

尚在寰宇記白馬山下有白馬泉即習家池舊府志互詳古蹟

諸葛井在縣西二十里隆中山東清一統志隆中諸葛亮舊宅有舊井

一今涸齊建武中有人修井得一石枕高一尺二寸長九寸獻晉

安王太平御覽引南雍州記隆中山畔孔明隱處有智井名六角井舊縣志

志十一

輿地十一 山川

三

王粲井在縣西北上有魏侍中王粲石井闌記輿地紀勝襄陽縣西北方山東陂下有王粲井蘇軾萬山詩有云下有仲宣闌縵刻深容

指是也清一統志

宜城縣

漢水自襄陽縣境東南入宜城縣界清一統志泗水又東南流逕黎邱

故城西又南逕郢縣東北又南得木里水會又南逕宜城縣東夷

水東流注之又逕都縣故城南水經注漢水納羅家河又東南流數

十里經宜城縣東境又東南百里有蠻河西北自南漳合歇馬清

涼二河東南流注之又南入於鍾祥縣境水道提綱漢水自襄陽縣竹

篙望西折至小河口入宜城縣境潼口水自西來注之即水經之

維水南至大橋灣有水口曰疎即水經之疎水又南爲黃家溝口

木渠水新河水合流來注木渠即水經之木里水又東抵乾河口

漢水故道也古長渠之東渠注此又東樓子汭清水港注之又東陰港南泉河注之又東練港臥牛山泉水注之又東逕下龍山市名流水溝南下關家營又南倒口蠻河自西來注之歷石羊灘入鍾祥縣界襄陽府志

鄆水自南漳縣東流入宜城縣南入漢鄆一作瀉亦名夷水又名蠻水今名蠻河清一統志楚屈瑕伐羅及鄆亂次以濟左傳夷水東南流

歷宜城西山謂之夷谿又東南逕羅川城又謂之鄆水又東南流與零水合東出謂之淇水又東注於沔昔白起攻楚引西山長谷水卽是水也水經注蠻水西自義清縣界東南流入宜城縣逕縣西

去縣三十里有白公湍南雍州記云秦將白起伐楚之日涉此水而濟因號白公湍今有三積亦名三洲赤石湍寰宇記蠻河源出南

漳縣西保康縣界之荒山東南流曲折百餘里逕縣城南又東會

志十一

輿地十一 山川

七

瀟水溪又東會清涼水出宜城縣界至破河腦分二支一支遶縣

東乾河口入漢一支遶縣東南三十里至鍾祥縣境入漢清一統志引舊志

沔水在縣西自保康縣流入南漳縣界東流至宜城縣界入鄆水清一統志沔水東歷宜城西山謂之沔谿東流合於夷水謂之沔口水經

注晉永嘉四年劉聰逼洛陽荊州刺史王澄自將欲援京師至沔口眾散而還卽此方輿紀要

疎水在縣北自南漳縣東流至宜城縣界清一統志疎水東流入邵縣

北界東入沔水謂之疎口水經注疎水源詳南漳

新河在縣東護城隄外出漢入漢上下三十餘里中流當城三面爲縣衝要縣志案新河係漢水之支出者

鴛瀆河在縣東五里明嘉靖中漢水溢衝迎水洲改徙鴛瀆河新

洪逼城五里許清一統志案府志云漢水故道縣志以為昔行
河國朝雍正二年又移萬楊洲東抵官莊而鵝潼河淤成熟地其
由羅家河東行者一窪細流嘉慶初漢水數漲徑由巴家洲循臥
虎崖直衝迎水洲復鵝潼河故道咸豐間衝破羅家河舊口南營
故市皆沒於水今羅家河漸淤成洲而鵝潼河如故蓋縣境沿漢
多平原曠野不數十
年而滄桑易處矣

潘家河在縣東七十里流逕石板灘至陰港入漢清一統志

南泉河在縣南源出南泉山即汝泉接棗陽界至縣境匯為河為

縣東北諸山泉經流注於漢圖書集成

楊柳湖在縣東南一里清一統志案縣志今城
東南無楊柳湖有蓼子湖

石子湖在縣東南四十里下有潭甚深遂清一統志

臭湖在縣南故襄城東古名臭池亦名臭陂清一統志白起破楚引西

山長谷水灌城水潰城東北角百姓隨水流死於城東者數十萬

城東皆臭因名其陂為臭池水經注韓愈宜城驛記臭陂有蠱害人

志十一

輿地十一 山川

三

漁者避之韓愈宜城驛記

天鵝湖在縣西十五里清一統志

糠皮湖在縣西北七里清一統志

鐵甲湖在縣西北十里府志

磨珠湖在縣北二里清一統志

拖槍港在縣東十里范家營俗傳宋將范文虎為阿珠所敗拖槍

過此故名清一統志案
阿珠舊作阿尤

朱家港在縣東三十里源出上泉沖西流入漢清一統志

陰港在縣東三十里源出南泉西流入漢清一統志

王城港在縣東五十里西流入漢清一統志

練港在縣東南四十里源出臥牛山至赤山入漢清一統志

木香港在縣南八十里源出黑汊河有木香村相傳為段成式別

業府志案王士正蜀道驛程記謂成式吾鄉臨淄人其父文昌封鄒平郡公今鄒平有地曰段橋傳爲文昌舊居而宜城木香村亦云段氏故宅所未詳也

龍潭港在縣西南一里東入漢

清一統志

毛家港在縣北二十五里源出潑陂府志作東流逕張家橋入漢

清一統志

樓子汊在縣東南二十五里又糠坡汊在縣南十里羊祜汊在縣北三十里以上三汊皆漢水旁出者也清一統志

木里溝在縣東一名木渠清一統志楚時於宜城東穿渠上口去城三

里漢南郡太守王寵又鑿之引蠻水灌田謂之木里溝逕宜城東

而東北入沔謂之木里水口水經注曹魏時夷王梅敷兄弟於其地

聚民萬餘家據而食之謂之粗中當時號粗中爲天下膏腴其後

渠廢至宋治平中縣令朱紘訪故道修復之宋鄭獬淳熙十年縣

志十一

輿地十一 山川

三

令陳表臣重修治之起水門四十有六通陂四十有九以溝旁地

爲屯田爲利甚溥清一統志引舊志

長渠在縣西南四十里一名白起渠清一統志夷水舊竭去城百里許

水從城西灌城東入注爲淵今熨斗陂是也後人因其渠流以結

陂田城西陂謂之新陂覆地數十頃西北又爲土門陂從平路渠

以北木蘭橋以南西極土門山東跨大道水流周通自新陂東入

城逕漢南陽太守秦頡墓北又逕金城前又東出城東注臭池又

入朱湖陂亦下灌諸田又入木里溝又白起渠溉田三千頃膏良

肥美更爲沃壤水經注長渠在義清縣東南二十六里派引蠻水昔

秦將白起攻楚引西山長谷水兩道爭灌鄢城一道從沔北入一

道從沔南入遂拔之元和志宋至和二年縣令孫承理渠之堙塞而

去其淺隘遂完故塢曾鞏長渠記宋紹興三十二年王徹言襄陽故有

二渠長渠溉田七千頃木渠溉田三千頃今廢堦請以時修復府志

志案長渠一名白起渠導自蠻河起南漳縣東武安鎮距縣六十里訖縣東南之郭海營從縣治西北繞東南南號百里長渠云

交了灘在縣東南破河腦蠻水與漢水交流處又倒上洪灘石羊

灘湍灘均在縣東南清一統志

連四洪灘在縣北旁有四洪相連故名清一統志

金沙泉在縣東一里清一統志金沙泉造酒極美世謂之宜城

春又謂之竹葉春與地紀勝案明一統志久堙塞縣志舊傳今

酒宋蘇軾詩楚人汲漢水釀酒古宜城春風吹酒熟猶似漢水清者舊何人在丘墳應已平怪餘竹葉曲畱此千古情

珍珠泉在縣東七十里西流入漢清一統志

案縣志尙有豹子崖泉雙池泉龍潭寺泉虎冲泉南泉北泉草

泉潑陂泉大泉上口泉龍潭泉黑河泉雙目泉黑凹山泉或由

溝入漢或注蠻河均附著於此

志十一

輿地十一 山川

棗陽縣

白水源出縣東六十里大阜山西南流名滾河至襄陽縣界西流

入唐白河清一統志洞水出安昌縣故城東北父山西南流謂之白

水又南逕安昌故城東屈逕其縣南又西南流而左會昆水又西

合澧水又西南流注於沔水水經滾河源出蛾皇洞泉水流入縣

境又八十里至兩河口會沙河清一統志引舊志案清一統志

晰互詳襄陽又水道提綱謂滾河有三源東北源出棗陽縣東北境之洛湖店南流又西南數十里折西流經縣城南有北源自北來經城西而南合焉又西南流八十里其南源自東南山西北流百里來會折西流曰滾河經秋樹井南折西北流經打火店北又西北與白河會

昆水在縣東南西流入白水清一統志昆水導源安昌縣城東南小山

西流逕金山北又西南流逕縣南西流注於白水水經

灤水在縣西南其源爲南泉清一統志蔡陽有灤水隋書地理志灤水源出

灤水在縣西南其源爲南泉清一統志蔡陽有灤水隋書地理志灤水源出

石鼓山西流逕襄陽縣界一百五十里入漢不通船運吳從政襄河記

澧水在縣西南西流入白水今名沙河清一統志澧水出襄鄉縣東北

陽中山西逕襄鄉縣故城北又西逕蔡陽縣故城東西南流注於

白水水經注沙河在縣南源出鹿頭店西流入滾河舊襄陽府志

澗水在縣東北北流入河南唐縣界清一統志澗水出湖陽北山西流

北屈逕平氏城西而北入澧水水經注隋志南澗河在縣東北

一百里北流入唐州界輿地紀勝

金雞河在縣東三十里府志

華陽河在縣東四十里源出武當山西流入白河清一統志水中有泉

在沙灘內旱則上溢禱雨輒應府志

優梁河在縣東南二十里縣志

中河在縣東南清一統志中河發源藥子河西北流八十里至

志十一

輿地十一 山川

三

磨劍潭又西流十里合滾河輿地紀勝

清潭河在縣南八十里四時水色綠如鸚鵡縣志

蔡陽河在縣西南六十里縣志謂此河即蔡水案府志

鎮北河在縣北十里縣志作西流入襄陽縣界入唐河清一統志

真陂河在縣北三十里蒼龍河在縣北五十里均西流入唐河縣志

紅沙河在縣北五十里地名太湖陂自唐縣湖河鎮逕西流入

於紅石河嘉慶志案嘉慶志謂水道提綱所列滾河三源之北源即紅沙河

汝泉在縣南八十里清一統志泉在武王山東其水北流入於中河輿地

紀勝

石羊池在縣南三里縣志

蓮花池在縣西南二十里池故無蓮相傳月夜土人忽見蓮花盛

開香氣襲人故名縣志

義井在縣紅沙河側縣志

南漳縣

漳水在縣南南流入當陽縣界清一統志漳水出臨沮縣東荆山東南

過蓼亭水經漳水東南流又屈西南逕編縣南縣自高陽城移治許

茂故城南臨漳水水經注漳水在縣南一百里源出荆山自眠羊洞

流家峪河過涼峪神夢峪龍平潭南流入當陽縣之河洛鎮會沮

水入於江襄陽府志案府志今漳水出縣南三景莊之蓬萊洞

注於沮固指山之最著而言然去荆山不遠實皆古之荆山耳云南漳者以別於濁漳清漳也

沮水在縣西南自保康縣流入又南流入遠安縣界今名潮水河

府志沮水東南流逕沮陽縣東南水經注

鄆水源自縣西康狼山鄆一作馮亦名夷水又名蠻水今名蠻河

清一統志夷水蠻水也桓温父名彝改曰蠻水導源中廬縣界康狼山

志十一

輿地十一 山川

三

水經注鄆水源自義清西托伏山括地志蠻水在縣西南源出保康縣

界之七澗坪齊腰洞逕司空山山爲南漳保康二縣界分二道其一入縣界

由長坪黃灘洲五盤山會白駱河又東會瀟溪清涼諸水又東南

流逕武安鎮入宜城縣界府志案蠻水即鄆水互詳宜城

沔水在縣西自保康縣流入縣界東流至宜城縣界入鄆水清一統志

沔水東歷輪鄉謂之輪水晉立上黃縣治輪鄉水經注案府志謂沔水今無考互

詳房縣保康宜城

疎水出縣北一名襄水一名涑水清一統志疎水出中廬縣西南水經注

襄水出南漳縣北一百里白石山元和志今俗人呼爲涑水上流亦

呼爲襄水寰宇記涑水即疎水之訛文獻通考案府志未列疎水互詳宜城

維水在縣北乾隆府志謂此水即漢書注所稱維水水經所稱淮

水東流入襄陽之潼口入漢攷漢中志及巴漢志並云房陵縣有

維山維水所出今無可考惟縣境與襄陽界有一水俗名石河流入襄陽縣界由潼口河入漢當卽此水府志

瀟溪河在縣東府志作二里源出縣北瀟溪寺東流南折入於蠻

河清一統志

清涼河在縣東源出西溪洞東流入蠻河清一統志一名洞河在縣東

三十五里府志案水道提綱謂是水出縣西北大山卽穀城南

卽老龍洞在縣西一百四十里謂之洞河至謝家臺入蠻河老龍洞之西別有一河流至兩河口合爲洞河

八都河在縣東南五十里源出三峽洞東流至牛頭山下李家營

入蠻河府志

柏家河在縣東南八十里流至神農寺下入蠻河縣志

通城河在縣南源自穿山洞出峽口至遠安縣入沮水縣志

合洪河在縣南源出西溪洞東南流六十里入漳清一統志

志十一

輿地十一 山川

三

黑河在縣南三十里源出縣西果盒坪之朝陽洞逕辛家坪安家

集交荆門州界流入宜城縣界會蠻河入漢縣志

峽峪河在縣南一百七十里縣志源出縣西南界老龍山南麓其西

北卽歇馬河也東南流二百餘里經鍾祥縣境又百餘里至石橋

驛南又東入漢水道提綱

白駱府志一河在縣西南三十里源出柏香巖山澗南流至縣西

入蠻河縣志

郭洪河在縣西南七十里溪水無源與縣河會流縣河卽蠻水之

西南經縣治者縣志

歇馬河在縣西南源出縣西南與保康縣南界龍潭山北麓其南

卽興山遠安北界羣山也東北曲曲流經老龍山西折北流數十

里至長坪西南有一水西南來經羅圈巖東麓來會折東北流經

長坪北又東流經杏橋坪北又東南五十里經縣城南又東南經騎龍集南又東南至武安鎮南清涼河自西北來會合流注於蠻河

水道提綱案水道提綱謂歇馬河清涼二河論源流則歇馬河較長

石椿一作淙河在縣西一百五十里流至龍門集入洞河沂石椿河

而西里許有峯名博山爐其下雙泉珠湧匯而為池里名龍灣縣志

白峪河在縣西北源出鳳凰寨山澗南流入蠻河縣志

夏泉在縣南一百五十里有二泉一在旗鼓山麓泉眼凡七土人

開渠以資灌溉一在龜山下泉眼凡六延袤八十丈可灌田六七

百畝縣志

珍珠泉在縣西三里周迴丈餘舊有亭臺今廢水泛如貫珠故名

又雙池寺之珍珠池雲霧觀之雙池亦同縣志

黑龍泉在縣西二十里水濁人不敢飲縣志

志十一

輿地十一 山川

雷

一盤泉在縣西二百里歇馬廟旁石上有坎容勺水而取之不竭

清一統志案乾隆府志謂歇馬廟為沮水自房縣東流入縣境之處

湧泉在縣東北七十里石河泉水畷有泉二上泉寬四十丈可灌

田八百畝下泉寬五十丈可灌田千餘畝民利賴之又杜家坪朝

陽洞旁有朝陽泉每陰雨泛溢有聲似潮亦資灌溉縣志

珍珠池在縣西南二十里雙池寺內人於池旁蹴呼則池水四面

跳涌清一統志

穀城縣

漢水自光化縣界又南入穀城縣界清一統志河水東逕穀城南又南

經筑陽縣東又東為漆灘山都與筑陽分界於斯水經注漢水至

涓口灘入穀城縣界二十五里過縣再七十五里至界河共一百

里入襄陽縣界襄陽府志漢水自乾汭河右派西流至界牌溝入穀城

縣境又三里至陡溝南漢水復合又南逕仙人渡距縣治東十里

逾黃家洲汎水筑水粉水合流自西來入謂之筑口案府志筑水今名北河粉水今名南河汎水則今不可考云

右逕古路醬案府志作格壘醬又南逕回龍灣東距縣治東南三十里中有桂望洲又南十里逕廟灘塘又東南三十里

逕茨河塘入襄陽縣界圖册

筑水在縣南自保康縣流入至縣東南入漢今名南河清一統志筑水

出漢中房陵東入沔漢書地理志筑水杜預以為彭水也東南流逕筑

陽縣水中有孤石挺出其下澄潭石根如竹根而黃色見者多凶

號為承受石筑水又東逕筑陽縣故城南又東流注於沔謂之筑

口水經注在穀城縣南一百二十步元和志南河在縣南一里自保康

縣之洞庭廟分流入境接流一百八十里會古羊河入漢清一統志筑口在穀城縣東二十里襄陽府志

粉水在縣北自保康縣流入東流入漢今名粉瀆河清一統志粉水東

流過郢邑南又東過穀邑南於筑陽縣下注沔水謂之粉口水經注

粉水自房陵縣東流入穀城縣南雍州記云蕭何夫人瀆粉鮮潔

異於諸水因名寰宇記

汎水在縣北自保康縣流入東流入漢今名古羊河清一統志汎水東

逕汎陽縣故城南又東逕學城南又東流注於沔謂之汎口水經注

古羊河源出房縣名入渡河東北流至石花街名古羊河又東一

百里至縣城東北折而南會南河入漢水清一統志引舊志案

河為粉水而水道提綱又以為即古沮水云源出房縣景山不知

景山之沮入江不入漢其入漢者筑水也一統志之說審矣又乾

隆府志謂筑水與粉水夾蘿山而流筑水則謂古羊河至西河口與

南至西河口合流以入於漢光緒府志筑水汎水無相入之文今縣別

無經流惟是今圖實筑水之目而汎水則不可考矣至筑水之名

南河以筑陽名縣之義攷之自當以南河為是光緒

府志主舊通志及乾隆府志筑水導山之北之文耳

黑水河在縣東六十里接光化縣界清一統志

白石河在縣西南府志三十里中有白石清一統志又五里為黃土河

同入於漢府志

桃溪河在縣西南三十五里東北流入粉水縣志

茅坪河在縣西南五十里府志凡三源其一出青龍鬚逕三清殿會

南川水入於漢縣志

倉潭河在縣西南五十里一名石溪縣志

汪家河在縣西南一百二十里縣志

平溪河在縣西南一百八十里交南漳保康二縣界縣志

大峪河在縣西三十五里又西四十五里王瓜河入筑水又西五

十五里紅峪河縣志

龔家河在縣北十五里縣志

志十一

輿地十一 山川

美

乾汊河在縣北三十里縣志案方輿紀要謂此河或以為即沉

落則

丁家湖在縣東南七里清一統志

黑龍湖在縣西二十五里俗呼鍋底湖今涸縣志

團湖在縣西北二十里縣志

南川在縣南五十里饒水利縣有三川以南川為第一縣志

臥佛川在縣西六十里上游為高溪瀑布縣志

小汎洲在縣南七十里產瓜甚美清一統志

觀音灘在縣東南三里又廟灘在縣東南三十里縣志

水磨灘在縣南三里又土門灘在縣西南十五里筭箕灘在縣西

南十五里龍灘在縣西南八十里府志案乾隆府志謂此四灘

難行昔馬家洞運米皆由
此進列之以見水運之險

五條溝距縣治二十里源發東山諸澗至山下會爲一溝深一丈廣三丈西行一里折而北行八里抵草堰古溝又折而西達於漢

江嘉慶志

黑龍潭在縣西南七十里粉水中縣志

古靈泉在縣南五十里古靈寺旁縣志

珍珠泉在縣西南三十五里白石河旁縣志

溫泉在縣西南七十里温坪隆冬倍暖縣志

殷家泉在縣西北三十五里上有龍神祠旱禱輒應縣志

臥牛池在縣南八十里廣德寺內旁產何首烏縣志

光化縣

漢水自均州東南入光化縣界清一統志漢水又東南逕鄧縣西南又

東南逕陰縣故城西水經注自均州沙陀營入縣境七十里逕縣南

志十一

輿地十一 山川

三

又東五十里至涓口灘共一百二十里入穀城縣界舊襄陽府志漢水

自均州沙陀營二十里入縣境歷羊皮灘東逕左旗營蘇家河又

東逕客落湖西南歷五龍潭逕縣河口折南流逕明舊城由新鎮

南分爲二派中夾巨洲南至乾汊河入穀城界二派復合府志漢水

又經固封山南過五龍潭又南經井家澗又南黃狗灘有洲曰客

落湖經縣西至新鎮集迤南有涓水入焉曰冷家澗是爲上涓口

又東南鴛鴦灘又南中涓口西南逕王府洲曰下涓口又南王家

河歷老虎洲入穀城縣界縣志

洛溪水在縣東清一統志洛溪水出陰縣西北集池陂東南流逕洛陽

城東南注泗水水經注

温水在縣南源出縣東南馬窟山西南入漢清一統志温水在乾德縣

南七里西南入漢寰宇記温水河在縣南五里自鄧家坑南龍口入

漢嘉慶志

均水在縣西北自均州南流至縣境入漢名小江河清一均水南

流注於沔水謂之均口地理志謂之育水水經注一統志育或作洧

非漢志宏農郡盧氏縣有育水南至順陽入沔此育水即均水非

自鄧入沔之清水也據此似謂惟此水作育自鄧入沔之水作洧

文洧字下水出盧氏山或曰出酈縣西則育洧通用清一統志強

失之案縣志有石門埭水源出縣西五十里白廟嶺東流至富鄉村

入漢又文殊寺水老龍寨水均在縣東北三十里均入蒿堰河

又潘家巖水源出青石鋪至巖入漢

蒿堰河在縣東三十里源出河南鄧州大山寨入縣境逕傅家營

南又東南入襄陽縣界襄陽府志

大梁河在縣東四十五里源出河南鄧州大梁渠由張河南流入

志十一

輿地十一 山川

三

縣境歷四十餘里南入襄陽縣界府志

蔚家河在縣東五十里入大梁河府志

排子河在縣東五十五里源出河南鄧州洞兒山自魯家橋入縣

境至黑龍集西北入襄陽縣界府志

朱寨河在縣東六十里清一統志在光化軍城東自北界甄灘河接本

軍逕葛堰朱寨出吳莊至襄陽縣界入漢江輿地紀勝

黑水河在縣東南二十五里發源楊程壩至青龍店逕穀城界南

流至襄陽清河入漢縣志

陡溝河在縣南三十里入漢清一統志

攔馬河即古通惠渠又曰韓家河在縣西南三里有橋長九丈為

通宛洛孔道近城之水昔由聶家溝繞南壇南逕寶林寺後注河

入漢府志

泥河在縣北匯西北諸水入漢清一統志即清泥河縣志

蘇家河即古鄧城鄉在縣西二十里源出三尖山逕白水淤淤長勢闊

屈曲多潭由雲臺山西入漢府志

縣河在縣北五里即泥灣河舊志誤分爲二又誤以源出三尖山爲即清泥河之上源源出三尖山

一經杜草河一經任旺溝一經老虎寺至城北雙橋溝合流至審

廠入漢府志案府志引通志謂昔縣治此受東北諸山之水西濱漢明萬曆遷城迭經疏濬水患始平

小橋河在縣北發源二劈山西一堵泉泉在洞兒山下南逕王家洲前爲

老墳河西逕雙石橋與杜草河會注縣河入漢府志

杜草河一名獨草河在縣北源出三尖山下老龍埭至雙石橋會小橋

河至縣河入漢縣册互見縣河

百頃湖在縣東南三十里清一統志

菱湖在縣東南宋紹興中李道破金兵於此清一統志

志十一 輿地十一 山川 三

客落湖一名脫勞湖在縣西十二里昔在漢西明代河遷遂在漢東設

有塘汎爲均鄖通衢府志

木牌港在縣西十五里源出唐廟山府志

陳家港在縣西北五十里接均州界設有水塘府志

孟橋川在縣北三十里府志

楊林汊在縣南十五里又五里爲流長灣府志

石馬溝在縣東二里又張家溝源出泰山廟賈家溝源出豹子溝

俱在縣東六里至郭家窪合流會溫水河入漢明崇禎末知縣王

棟引水灌濠閉石馬溝掘金雞冢山麓截歸縣北任旺黑龍二水

遂合齧城腳清康熙中知縣吳琪滋躬督開浚由金雞冢至郭家

岡東南逕寶林寺前會攔馬河注縣河入漢水患始平縣志

清水溝在縣南五里源出馬窟山又縣南十里廖家岡亦有清水

溝府志

大溝在縣南八里入漢水府志

紅椿木溝在縣西十八里會杜草河逕雲臺山下注縣河入漢府志

界牌溝在縣西三十里源出穀城大峪以溝為界故名府志

青龍溝在縣西北三十五里源出羅家灣至窰屋川入於漢水府志

任旺溝在縣北十五里源出杏兒山至城北合黑龍水入於縣河嘉慶志

龍潭嘉慶志

龍潭在縣西北圓覺寺側山壁峭立其下有潭邑人韓光祐鐫壁

曰龍湫嘉慶志

黑龍潭在縣北五里旱禱輒應宋歐陽修曾有黑龍潭祈雨文清一志

溫泉統志

溫泉在縣南五里太和鄉清一統志

志十一

輿地十一 山川

旱

六股泉在縣西北四十里府志

均州今改縣

漢水自鄖縣東南入均州界清一統志漢水又東逕琵琶谷口又東為

恨子潭又東南逕武當縣故城北又東南逕縣城東又東逕龍巢

山下又東南逕涉都城東北水經注均州北二十里有濟門灘東五

里有鐵爐灘東南十五里有亂石灘又東南五里有石門灘又東

南有魚梁灘大浪灘皆漢水所經也舊襄陽府志漢水自鄖縣東流至

遠河灘入均州境折而南仇家河自東來注之又南黃峯河自西

南來注之東逕關門崖至槐關板橋河青塘河會於響河橋自東

北來注之繞城北東而下曾河受西南諸水自南來注之又東逕

龍巢山下歷老鴉灣石門浪河水自南來注之又東南逕青山港

歷大觀山小觀山水至此兩分過山復合均水納丹水同入焉俗

呼小江口又東南流至沙陀營入光化縣界襄陽府志

均水自河南浙川廳流入均州界又南流入光化縣界入漢清一統志

均水在州東一百一十里府志詳光化互

曾水在州南清一統志曾水導源武當縣南武當山逕越山陰東北流

注於沔謂之曾口水經注曾水有平堰龍堰灌田百頃府志

平陽水在州北清一統志平陽川水出武當縣北伏龍山南歷平陽川

逕平陽故城下又南流注於沔水經注

浪河在州東南九十里州志作東七十里水出太和山東北流入漢清一統志

黃沙河在州南十里源出門限嶺東南流入曾河州志

水磨河源出照面峯瓦房河源出太平壩俱在均州南五十里並

入曾河州志

殷家河在州南一百里源出紫髻山流入浪河州志

志十一

輿地十一 山川

壘

蕭河在州南一百四十里源出薄羅巖入浪河州志

澗河在州西南九十里有二源一出文公廟壩一出主簿壩北入

曾河州志

九道河在州西南一百四十里源出天柱峯入西河州志

西河在州西南一百九十里有二源一出白果樹坡一出冷水溝

至兩河口西入曾河州志

黃峯河在州西十里源出門限嶺東入於漢州志

小芝河在州西三十五里源出青巖寨東入曾河州志

淄河在州西六十里源出七星樹北入於曾河州志

乾河在州西一百里源出何家壩東入曾河州志

呂家河在州西一百二十里嘉慶志太和山南山北麓水曰呂家口

西北流至兩河口塘有馬嘶山水自西南來會又東北曲曲數十

里經武當山西麓又北至孫家灣北又東北經州南境至曾口南
有草店水南自太子坡北流稍東來會又東北於曾口之東入於

漢水道
提綱

響河在州北十里源出胡家山西南流為板橋河南流會青塘河

南入於漢州

仇家河在州北二十里有二源一出磨煉山一出冬青樹溝合流

入於漢州

青塘河在州北三十里源出龍洞溝逕方山西會響河入漢州

石鼓關河在州東北六十里源出四峯山東流至兩河口會白河

又東為界河入均水州

安樂河在州東北一百二十里源出土關壩北至光化縣潘家崖

入漢州

志十一

輿地十一 山川

里

滄浪洲在州西北清一統志案元和志嶓冢導漾東流為漢又

東為滄浪之水禹貢武當縣西北漢水中有洲名滄浪洲庾仲雍漢

水記謂之千齡洲非也地說曰水出荆山東南流為滄浪之水是

近楚都余案禹貢又東為滄浪之水不言過而言為者明非他水

決入也宜以尙書為正水經注滄浪者漢水之色胡渭禹貢錐指漢水至此

渟匯淵寂非盛夏泛漲莫不澄鮮蠲潔州

恨子潭在州北清一統志潭有石磧洲長六十丈廣十八丈世以此洲

為恨子葬父於斯故潭得厥目焉水經注

磨劍泉在州西七十里府

二龍泉在州西北五十五里二龍山麓府

白龍泉在州北九十里界河村一名珍珠泉府

黑龍泉在州東北四十里黃家川又信泉葛花泉俱在州東北九

十里康柳村府志

鹽池在州東南一百里清一統志 隋書地理志東南百里有鹽池 池水四周上生紫

氣池左右草木十餘里氣所染著上如霜雪嘗之鹽味土人謂之

鹽花元和志

大頂龍池在州南武當山五龍峯頂自麓至頂四十里祈禱無不

應舊志龍池一名靈池流為黑虎澗匯為白龍潭又注於磨針澗

云清一統志

鄖縣

漢水自鄖西縣界東流入鄖縣境清一統志 漢水又東過堵陽縣堵水

出自上粉縣北流注之漢水又東謂之澇灘冬則水淺而下多大

石又東為淨灘夏水急盛川多湍洑行旅苦之又東逕鄖鄉縣南

之西山又東逕鄖鄉縣故城南又東逕琵琶谷口水經注 漢江至府

志十一

輿地十一 山川

壘

城又九十里至遠河口入均州界清一統志 漢水自鄖西縣界東

流至木瓜溝入鄖縣界又一百六十五里至堵河口堵水北流注

之水中韓家洲縱橫數里水分復合折東北二十里又東二十

里又東南二十里逕鄖縣治西而南又東一百二十里至遠河口

入均州界圖冊

堵水自房縣界東北至府城西三十里入漢一名庸水一名武陵

水俗名陡河清一統志 堵水東北歷嶮山下而北逕堵陽縣南北流注

於漢謂之堵口水經注 堵水自房縣北境至花果園流入鄖縣南境

名陡河北流入漢舊鄖陽府志 互詳房縣竹山竹谿 案清一

其中合府之水隨地易名其實皆二水所經耳

趙河在縣東三里源出北山入漢鄖陽府志 在縣北七十里源出縣東

北一百四十里馬喊泉西南流至縣東為盛水堰溉田百餘頃清一

志統

龍門河在縣東六十里源出龍門山入漢府志

神定河在縣東南二十里源出縣南六十里十堰店北流入於漢

水清一統志案府志神定河源出竹山縣縣志源出縣境雞鳴山

遠河在縣東南七十里北流入漢與均州分界府志

金魚河在縣南二里源出四方山又一源出大嶺塘合流東北入

漢府志

將軍河在縣西南一百二十里府志作在縣西北二百餘里北流入漢清一統志

小泥河發源縣西五十里南流入泥河圖書集成引舊志

泥河在縣西一百三十里源出鄖西錫義山南入於漢府志

紅石河在縣西一百九十里會白河水入漢府志

曲遠河在縣西北府志作六十里南流入漢其入漢處名曲河口清一統志

志十一

輿地十一 山川

器

澮河源出縣西北九十里逕六官坪入天河圖書集成引舊志

潁河今名祥河亦名傘河源出縣西北九十里西南流至絞腸關

北流西折入甲河圖書集成引舊志

滔河在縣西北一百七十里自陝西商南縣流入又一百四十五

里至盤道堡流入河南浙川廳界清一統志

龍滾灘在縣東一里清一統志

青龍灘在縣東十五里旱禱輒應府志

德泉在縣西南一百四十里縣志

馬嘶泉在縣東北一百四十里相傳漢光武屯兵處縣志

青蓮池在縣治東北縣志

使院并在縣城舊撫治院內明王世貞有銘序府志案明時城內有十井今俱廢

房縣

堵水自竹山縣界又東北入房縣境至花果園流入鄖縣界清一統志
堵水東歷新城郡故漢中之房陵縣也水經注磬口河縣西北百七
十里卽堵河鄖陽府志

筑水源出縣西南逕縣城北為高枧河一名馬欄河清一統志房陵有

筑水漢書地理志筑水出梁州新城郡昌魏縣界水經注筑水出房陵縣

西北華山經縣北二里元和志筑水一名南枧河一名高枧河出房

縣楊子山舊鄖陽府志案清一統志謂舊志有沮水出房縣西

水也又竹山縣西亦有筑水源出筑山南入堵水與此水同名而源流異

汎水在縣東東流入保康縣界今名八渡河清一統志八渡河源出縣

東滴水巖下流為古羊河入漢江舊府志案清一統志謂汎水

其上流已湮可見者惟房縣之東滴水巖矣清一統志零水上通梁州沒

志十一

輿地十一 山川

畧

陽縣之默城山司馬懿出沮之所由水經注案沒字誤趙一清

當關疑疑霍水在縣西北流入竹山縣界入堵水俗名章落河清一統志光遷有

霍水隋書地理志霍水導源自房陵至竹山入堵輿地紀勝

粉水在縣東北又東流逕保康縣界今名粉瀆河又名粉清河清一統志

粉水出房陵縣東流逕上粉縣取此水以瀆粉則皓耀鮮潔有

異眾流故縣水皆取名焉水經注

沮水源出房縣界東流入保康縣境一名睢水今名大市河清一統志

定公四年楚子涉睢左傳睢水出新城昌魏縣東南至枝江縣入江

杜預房陵東山沮水所出東至郢入江行七百里漢書地理志沮水出

漢中房陵縣睢山水經沮水出永清縣西南景山元和志案沮水

水經作睢山酈注據山海經作景山杜預作發阿山蓋一山而異

名也水道提綱謂沮水出房縣南境之景山在縣南稍西一百三

十里其西爲陰條嶺其東南爲五柯樹山又東爲保康南漳諸大山縣互不斷凡數百里山海經所稱荆山之首曰景山者是矣

雙瓶河在城東百二十里河中二石對峙如瓶故俗呼桑坪河府志

白巖河在縣東南九十里源出縣南阜山東北流入保康縣界入

筑水清一統志

秦口河在城西百二十里世傳秦王屯兵於此道志

北河在縣北東流入粉水清一統志北河源出房陵西界繞城東流不

通船有石岸門隔阻之寰宇記

爛泥河在縣東北自黃家壩西流至白窩村入筑水清一統志

獨石潭在縣東十五里大石形狀奇偉鄭陽府志

杜家潭在縣東二十里水深多魚府志

蓼花潭在縣東北一百里潭有三第三潭深不可測陰崖蒙翳藤

葛交橫林端飛瀑常如風雨靈怪出沒其中府志

志十一

輿地十一 山川

吳

泉水灣在縣西二里繞岸百餘家花柳映帶泉眼數十層沸澄清

灌田甚多縣志

湯泉在縣東十里清一統志泉內有硃砂夷堅志

龍泉在縣西北四十里龍泉寺崖洞中石窪一方石龍盤其上泉

白龍口出汲之不竭禱雨輒應府志

大湯池在縣東十五里土地嶺下小湯池在縣南府志作十里青

崖山下二池皆四時常燠澄澈愈疾清一統志

鹽池在縣東六十里水鹹似鹽故名府志

洗龍池在縣東南一百一十里後山坪舊傳高氏馬產駒數月臥

地不起忽有人市之浴池中鱗甲燦然且暴長乘之去府志

八角琉璃井在縣城南隅上有鐵佛寺攷寺碑爲唐廬陵王宮之

故址府志

竹山縣

堵水自竹谿縣東流入竹山縣境清一統志堵水之旁有別溪有白馬

山又東北逕上庸郡又東逕方城亭西水經注圖經云竹山郭帶堵

水水通漢江舟船往來商賈所湊寰宇記即今南江輿地紀勝南江又東

入竹山縣界為竹山江與柿河羊腸河合名東兩河口又與霍水

合亦名霍河又東北流入房縣境舊鄖陽府志互

筑水源出縣西五里筑山流入堵水鄖陽府志案清一統志謂

水名同而源流異

霍水自房縣西北流入竹山縣界入於堵水清一統志互詳房縣

浸水在縣西清一統志浸水在竹山西四十里源出王家山南流入武

陵水堪浣纈紗色白如練寰宇記案武陵水即堵水

上庸水在縣西源出上庸山南流入堵水清一統志源出上庸山因以

志十一

輿地十一 山川

七

名縣其水南流與孔陽水合有深潭舊傳投石潭中即雷雨交作

府志

鼇水在縣西清一統志源出縣西十里流入堵水其水多蛇一名龜水

寰宇記

孔陽水在縣西九十里有神潭源出檀溪嶺誤稱寒溪嶺其水洗

物除垢磨刀劍甚利魏時以此名縣縣志

上元水在縣北今名北星河清一統志在縣北六十里源出庸嶺下南

流入孔陽水寰宇記北星河在縣北三里源出陝西白河縣界合水

坪狼峪觀音諸水南入堵水府志

羊腸河在縣西南北流入堵水清一統志

柿河在縣東南一百五十里府志柿河在縣西南自竹谿縣境東流

入竹山縣界東北流至東兩河口入堵水又縣東南七十里自

沙河東南一百四十里有小葛河俱北流入柿河縣南四十里有

秦坪河亦東入柿河清一統志

蓮花池在縣東三里霍山頂又縣西亦有蓮花池在上庸水之西

崖清一統志

三眼泉在縣東霍山白蓮池旁三眼平列其深不測投以石碎然

有聲或牛馬誤墮其中久於將軍潭下浮出府志

竹谿縣

堵水源出竹谿縣西東流逕縣南又東入竹山縣界清一統志堵水出

建平郡界故亭谷水經注堵水源出金州平利縣界寰宇記南江河源

出平利縣界可通竹筏入白土關東流至竹谿縣過秋溝塘名縣

河至廖家河與竹谿河會又東流十里至上城與淨峪河會又東

三十里合駱家河為水坪河又二十里與龍堰河會曰兩河口一

志十一

輿地十一 山川

渠

名潭口又東五里與樊定河會又東入竹山縣界舊鄖陽府志

堵水西南源曰柿河水道提綱源出縣西南與陝西界曾家村北山東

流一百六十里經渡船口塘北又東四十里有秦坪河自西南來

注之折東北流百里與竹谿河會有羊腸河自東南來注之又東

北入竹山縣西南境縣志

住峪河在縣東南六十里北流入堵水清一統志

樊定河在縣東南一百四十里出兩河口注竹山庸水可通舟楫

又縣東南一百七十里白沙河出小石河注樊定河縣東南三百

里蒲谿河南接高祖河其支流為查峪河均匯入白河口入竹山

縣境縣志

浪河在縣南五十里北流入堵水清一統志

秦坪河在縣南一百一十里東注柿河又縣南二百九十里邊家

河東注白沙河縣志

峯溪河在縣西南二百七十里東北注火燒坪河縣志

王家河在縣西六十里南流入簡家店河縣志

竹谿河在縣西北一名長望川源出雞籠山麓南流入於堵水清一

統志堵水西北源曰竹谿河出竹谿縣西北與陝西白河縣界七里

關西南之雞籠山南流數十里折而東流又東經縣城南又東稍

北折東南流有縣河來會曰西兩河口又東南七十里至東兩河

口西南源來會水道提綱

麻河在縣北三十里一名駱家河南流入堵水清一統志

龍堰河在縣東北南流入堵水縣東北有安燕河下流與龍堰河

合清一統志

夾沙河在縣東北九十里南流注小河鄭陽府志

志十一

輿地十一 山川

完

瓦面溝在縣西北六十五里源出陝西平利縣連線河受秋溝河

西六十里水由黑龍洞與峒溝河西五十里俱注青草坪河入縣

治河府志

柳木潭在縣東二里又長潭縣東五里神龍潭土黃潭俱縣東十

五里府志

西潭在縣西二里府志

鄭西縣

漢水自陝西白河縣界東入鄭西縣境清一統志漢水又東逕長利谷

南入谷有長利故城又東歷姚方水經注漢水又東入鄭西縣之西

南境東流又東北一百里至縣南境之黃連埡又東北至曲河口

入鄭縣界水道提綱漢水自白河縣界至榆窩鋪入鄭西縣界甲水自

北來注之又東北流天河自北來注之又南流入鄭縣界鄭陽府志

甲水在縣西自陝西白河縣界流至縣界入漢一名吉水亦稱夾

河清一統志甲水出秦嶺山東南流逕金井城南又東逕上庸郡北與

關柎水合又東南逕魏興郡之興晉縣南又東右入漢水水經注甲

水在上津縣西二百步南注漢水寰宇記甲水源出秦嶺逕豐陽關

入上津縣境繞縣西而南順流一百三十里入漢舊郡陽府志吉水在

上津縣西鐵鵲嶺下夾河可通小舟舊縣志

激浪河在縣東三里下流入天河又五里河在縣東北五里東流

合激浪河清一統志

黃家河在縣東三十里源出火車嶺下南流六十里入漢縣志

石門河在縣東南十五里石洞如門河出其閒南流入漢縣志

歸仙河在縣東南五十里南流入漢清一統志

箭流河在縣東南五十里又縣西南五十里火梅溝河下流俱入

志十一

輿地十一 山川

辛

漢清一統志

八道河在縣東南源出縣東北山泉引流而南至縣東五里為南

門河又西南合天河清一統志

羊頭溝河在縣南五里西流入天河清一統志案府志作芋門溝河

天河在縣西一里源出縣西北牛頭山南流會眾水入漢巨石障

流明嘉靖二十七年疏治之可通小舟清一統志

麥峪河在縣西北合縣西北三十里五里坪河縣西北七十里黃

沙河縣西北八十里水東河入天河清一統志

惠谷河在縣西北舊上津縣西北五里一名五峪河又縣東南八

十里冷水河縣西南八十里八里河下流俱入甲水清一統志

龍潭在縣西馬鞍關下投以瓦石即風雨暴作相傳為神龍所居

縣志

動心潭在縣西其深莫測視之令人心悸又月兒潭在縣西與陝西白河縣接界潭水澄澈如秋月故名縣志

一碗泉在縣北六十里有石孔大如碗泉自中湧出寒而清澈府志

天池在縣西南一百二十里民間引以灌溉清一統志上津縣西南有

池廣二畝許明一統志

蓮花池在縣西北清一統志

相公池在縣北七里宋張士遜游覽處清一統志

保康縣

筑水自房縣東流入縣境為隔渡河又東北流入穀城縣界清一統志

汎水自房縣東流入縣界又東流入穀城縣界今名八渡河清一統志

永清有汎水隋書地理志

沅水自房縣東流入縣界又東流入南漳縣界一名零水清一統志

志十一

輿地十一 山川

至

水東逕新城郡之沅鄉縣謂之沅水水經注

粉水自房縣東流入保康縣境又東流入穀城縣界清一統志

沮水自房縣東流入保康縣境又東南入南漳縣界清一統志

深溪河在縣東南一百里東流入南漳縣界清一統志

板倉河在縣南五十里北流為洞庭河繞縣西而東北流入筑水

亦名縣河嘉慶志板倉河發源千家林逕豆沙河與清溪河會同入

粉清河名曰南河縣志

清溪河在縣南五十里由渡沙河經縣城南縣志

東流河在縣南六十里東流入南漳縣界清一統志

歇馬河在縣南一百里東流入南漳縣界清一統志

桑坪河在縣南一百里東流入南漳縣界清一統志

雞冠河在縣南一百五十里東流入南漳縣界清一統志

湯峽河在縣西三十里一名湯洋河水溫可療疾東流入於筑水

清一統志

豆沙河在縣西北十五里南流入筑水

清一統志

長河在縣北源出房縣西流至張家坊入縣境至柳家坪入筑水

嘉慶志

掌口河在縣東北四十里一名蔣口河南流入筑水

縣志

館驛溝在縣東二十里水出黃堡坪

縣志

龍潭在縣南一百二十里崖高千仞半坡突開一洞水聲潺湲夾

石閒而出乃歇馬河源也

縣志

蘇泉在縣東里許

清一統志

民取水於河知縣蘇惠和憫其險遠因後

明一統志

湯池兩泉在縣東二十里自山腹湧出不竭夏涼冬溫

府志

志十一

輿地十一 山川

至

勺泉在縣西南一百四十里土岡平衍道左有石方丈西有小穴

容水碗餘味甚甘俗名一碗水

縣志

龍王泉一名溫泉在縣西北二十里

縣志

蓮花池在縣南一百三十里水勢旋繞狀若蓮花

府志

天池在縣西北四十里池在山最高處寬三畝許水清而深或五

色雲覆其上是年必稔

縣志